Bájkkeavijssa NuorttaSállto

Avtamielakvuodajn værálda

álggoálmmugij

Stuorámus politihkalasj tjåhkanimen gudik goassak Nuorttarijkajn ja Europan, gávnnap divtasvuonagav Jon Petter Gintal (40). Sån le sámediggepresidenta Egil Ollija rádediddje guhti ájggu birásgájbbádusájt åvdedit álggoálmmugij åvdås.



Vuona delegasjävnän dálkádaknjunnjusjtjähkanimen li birrusij tjuodes. Ienemus oasse li stuorradikkes, ráddidusás ja birássuodjalimdepartementas. Sijá siegen le aj Jon Petter Gásluovtas.

- Mij lip vidás Sámedikkes aktan sámedikkepresidentajn Egil Olli guhti le delegasjávná njunnjusj, subtsas Gintal telefávná baktu Københavnas.
 Sån la juo danna åvdep sådnåbiejve rájes læhkám ja manná sijddaj uddni bierjjedagá. Avtamielakvuodajn álggoálmmugij ålles væráldis galggá Sámedigge vájmmelit oasev válldet rijkajgasskasasj dálkádaksjiehtadallamijda.
- Sihtap politihkkára galggi vieledit álggoálmmugijt dajn dåjmajn majt ájgguji tjadádit. Mij ájggop Sámedikke bieles oassálasstet åvdedimijn ja bájnnedip Vuona delegasjåvnåv positivalattjat. Vuonarijkan le ham ulmme liehket rijkajgasskasasj åvdediddje dálkádakgatjálvisáj gáktuj, javllá Gintal.

Ájggu sjiehtadallamijda oassálasstet

Sån barggá uddni seniorrádediddjen Sámedikke háldadusán, ásadusán riektá, æládus ja birás. Barggagådij Sámedikken jagen 1994. Gå lij vuodoskåvlåv Gásluovtan tjadádam Oppájddáj jähttåj joarkkaskåvlåv váttsátjit ja dassta Allaskåvlåv Telemarkon tjadádij. Danna lågåj cand.mag luonndo, birás ja histåvrån. Suv mielas le barggo Sámedikken mávsulasj.

- Mån lev vuorbálasj guhti besav ietjam álmmuga åvdås barggat, dat le mávsulasj ja besav ássjijt tjuovvot alla politihkalasj dásen ja oassálasstet bájnnudit ájnas mærrádusájt. Barggo máhttelisvuodav vaddá ienep bájnedibmáj gå dábálasj háldadiddje.
- Majna jáhká máhttebihtit vájkkudit Københavnan?
- Mij ájggop oassálasstet mijá

máhtudagájn ja máhtukvuodajn ja sávvap bessap bievde birra tjåhkkåhit sjiehtadallamijda. Tjállep gålmmå paragráfa majt sávvap ja jáhkkep presidænnta Egil Olli bæssá åvdedit jus bágov oadtju. Gå mij oassálasstep dát vuoset Vuonarijkka álggoálmmugij duodalattjat barggá, javllá Gintal.

Væráltvijddásasj gatjálvis dárbaj væráltvijddásasj tjoavddusijt

Dálkádaknjunnjusjtjåhkanimen tjåhkani moadda værálda oajvemus njunnjutjijs. - Dát le politihkalasj ássje alla dásen. Gåktu jáhká mij ájnegisá unna Nuortta-Sálton máhttep dåbddåt miján le

vájkkudimfábmo? - Dálkádakluojttemij vierttip ålles væráldin viessot. Dálkádakrievddama mijáv jåksi vájku gånnå lip. Ájnas le luojttemijt binnedit ja vahágijt binnedit gå dá sjaddi båhtusijt oadtjot juohkkahattjajda. Dálkádakrievddama li duola dagu ienep dálkev ja stuorra temperatuvrrasvahkastimijt buktám. Jus vuojnnep duola dagu merragierragav. Jagen 2050 le nuorre Divtasvuonan ja mijá guovlojn badjánam moadda sentimehterij ja dav vierttiji dálásj návsstetsiegge ájádallat. Gintal mielas le ájnas sáme ja látte aktan vierttiji barggat dálkádaktjoavddusijt gávnatjit.

- Vierttip dálkádakluojttemijt binnedit ja barggat

vuolledálkádakluojttemsebrudagá vuossti barggat ja bæjválasj iellemij tjoavddusijt sadjáj oadtjot ma sieradusáv dahki. Duola dagu binnebuv bijlajn vuodjet ja farra syhkaldit.

- Ij dat ienebut stádaulmutjijt guoska, dánna Nuortta-Sálton le guhkás aktisasjfievroj gaskan.
- Riekta le dat. Valla máhttelis le siesstet oasstemijn duola dagu ekologalasj biebmojt oasstet. Divtasvuonan luonndoruhtadibme vilá le nanos. Ulmutja bierriji diedulattjat dajna joarkket. Joarkket sarvva- ja rievsakbivdujn, luosav ja dábmugav bivddet ja muorjjit. Dá li dåjma ma li vuohkasa birrasij. Biergov Brasilas oasstet ij buorev tjuovo. Danna rássjovuomev buolljot tjuolasti vaj buve galggi guohtomsajev oadtjot ja dat ájn ienep CO2 luojttemav vaddá.



Jon Petter Gintal i København

Lasedum åvdåsvásstádus ja berustibme positivalattjat vájkkut

- Gåktu le industrialiserigijn sáme guovlojn, e gus sáme aj galga oasev dassta oadtjot?
- Dat le gatjálvis bisodime ja suodjalime birra. Muv mielas adno le ájnnasabbo, gåktu luondov ávkádallat váni dav biejsstemis. Miján li stuorra hásstalusá mij guosská ruodná energiav. Fossil fámos biegga- ja tjáhtjefábmuj. Ájnas le álggoálmmugij duobddága aneduvvi, valla duola dagu bieggamillopárkka ællosujtov vájkkut. Álldo miessijn le sierraláhkáj dássta vájkkuduvvá. Dán manen båhti tjuovvovasj infrastruktuvrra dagu rahte ja fábmoledniga. Dákkir industriåvddånahttem ij agev dálkádakluojttemijt binneda, valla sjaddá dåssju rievddam. Buorep lij jus stáhtta åstij ruodná fábmo sertifikáhtajt ja dajt bálkestij. Navti ruodná sertifikáhta máhtti vierre tjoavddusa liehket, javllá vájmmelis birásrádediddje.
- Viertti moattelágásj ájádusájt oajven

Gåvvå/foto: Gunn Britt Retter

avta bále adnet. Mån jáhkáv le máhttelis oadtjot divna bieggamillopárkajt, valla de vierttiji álggoálmmuga ja addne prosessan oassálasstet ja guovlojt gávnat gånnå ij luondov ja judosiellemav biejste. Buorre dille juohkkahattjajda le máhttelis, valla dat guosská vidnudagájt ja dåjmadiddjijt, miejnni Gintal. Suv mielas le imálasj gå vuona Statkraft ij åvvå vieleda svieriga sámijt, ja navti nievrep etihkav tjadádi gå Vuonan.

- Majt ájádalá dån sijddabájke birra gå le stuorstádan værálda oajvemus politihkkárij?
- Ájádaláv Divtasvuodna le riek tjáppa bájkke oavdos luondujn ja geldulasj sebrudagájn guokta kultuvraj. Mån lev nanosit guovlluj tjanádam ja miján le hyhtto Oarjjevuonan gånnå lev nav álu gå máhttelis. Muv mielas le ájnas barggat vaj árbbedábálasj álggoálmmukmáhtudahka vuodo sjaddá

duodastimen dálkádakrievddamijt ja åvdedittjat positijvalasj hiebadahttemstrategijajt, hæjttá Jon Petter Gintal.